


Purbe y lo bo guste

Un bebida pa un
y tur

Agente:
Licores Aruba N.V.



GLORIA VEGA CU SU VOZ DI CRYSTAL UN CONFESION DI AMOR



Gloria Vega nos tur conoce como nos reina juvenil di carnaval 1991. Ademas cu e ta un beyeza e tin un voz di crystal tambe. Actualmente e tin un balada, confesion di amor ariba sinta, cu ta risibiendo masha hopi peticion na nos emisoranan local.

E balada aki a caba di sali number uno di e mihor baladanan di Radio Carina F.M. Tambe den e top 100 di Ivantje e a logra di sali number binticuater siman pasa.

E logronan aki ta apenas den un corto tempo. Esaki ta nifica cu e balada aki ta un exito rotundo. Locual ta di lamenta si cu e tremendo balada aki ta solamente riba sinta. E cancion aki ta un carta di un pareha enamorado, caminda e mucha muher ta declara su amor na su enamorado.

E sublime composicion aki ta di Roy Olive cu tin cinco composicion pa e aña aki caba. Hubert Thiel un joven di apenas 17 aña y cu tin un futuro briyante su dilanti a hasi e arreglo. Tur e

efectonan den e cancion aki a wordo haci pa Roy y Hubert mes. E mixdown a wordo hasi na e studio di Rob Martis, mientras e techniconan ta Ronald di e banda Fax y Clyde di Musical Time.

Segun Roy e cansion aki lo wordo contesta pa e enamorado pero den ritmo salsa acompaña pa Le Prestige.

Gloria a cuminsa canta cu su 11 aña den e festival di Voz i Landia, caminda e a sali number dos. Despues di un aña e a bay tuma les di canto serka Maybeline Arends, cual te ainda e ta un alumno di Maybeline.

Ademas Gloria ta formando parti di cinco otro beyesa cu jama Crystal y ta hasi nan presentacionan solamente pa momentonan importante. Nan prome presentacion tabata 18 di Maart ultimo. Den futuro Gloria tin pensa di lanza un beat riba su propio inspiracion pa e juventud. Asina cu e termina su school cu ta Juliana school actualmente, e lo bay studia pa periodismo.

